

КОНСТИТУЦИЯВИЙ СУДГА ФУҚАРОЛАР ВА ЮРИДИК ШАХСЛАРНИНГ МУРОЖААТ ҚИЛИШИ

Агар қонун фуқаролар ва юридик шахсларнинг фикрича, уларнинг конституциявий ҳуқуқлари ва эркинликларини бузаётган бўлса, Ўзбекистон Республикасининг [Конституциясига](#) мувофиқ келмаса ҳамда судда кўрилиши тугалланган муайян ишда қўлланилган бўлса ва судда ҳимоя қилишнинг барча бошқа воситаларидан фойдаланиб бўлинган бўлса, улар қонуннинг [Конституцияга](#) мувофиқлигини текшириш тўғрисидаги шикоят билан Конституциявий судга мурожаат этишга ҳақлидир.

Конституциявий шикоят нима?

Фуқаро ёки юридик шахснинг конституциявий ҳуқуқ ва эркинликларини бузаётган қонуннинг Конституцияга мувофиқлигини текширишни сўраб Конституциявий судга қилган мурожаати.

Ким мурожаат қилиши мумкин: Фуқаролар ва юридик шахслар.

Мурожаат мақсади: Қонунни (ёки унинг бир қисмини) Ўзбекистон Республикасининг [Конституциясига](#) мувофиқлигини аниқлаш.

Мурожаат шакли: Ёзма ёки электрон шаклда.

Конституциявий суд манзили: 100163, Тошкент шаҳри, И.Каримов кўчаси 43, info@ksu.uz

ФУҚАРОЛАР ВА ЮРИДИК ШАХСЛАР МУРОЖААТЛАРИДА:

1. Фуқаро ва юридик шахснинг фамилияси, исми, отасининг исми, манзили ёки жойлашув жойининг тўлиқ номи, шунингдек агар мавжуд бўлса алоқа воситаларининг рақами, электрон почта манзили.
2. Ишни судда кўриб чиқилганлиги ва суд ҳимоясининг барча шакилларида фойдаланганлигини тўғрисида асос (умумий юрисдикция судларининг қарорлари).
3. Қонуннинг тегишли нормаси қўлланилган якуний суд қарорининг қисқача мазмуни.
4. [Конституцияга](#) мувофиқлигини текшириш керак бўлган қонуннинг аниқ нормаси ва Конституциянинг аниқ нормаси.
5. Конституцияда мустаҳкамланган инсон ҳуқуқларидан қайси бири, мурожаат қилувчининг фикрича қонунни қўллаш натижасида бузилганлигини, қонуннинг (ёки бир унинг қисмини) Конституцияга номувофиқлигини асослаш.
6. Конституциявий шикоятга хавола қилинаётган ҳужжатлар ва материалларнинг нусхалари.
7. Илова қилинаётган ҳужжатлар рўйхати.

Мурожаатга қуйидагилар илова қилинади:

– текширилиши лозим бўлган қонун нормасининг матни;

– шахсни тасдиқловчи ҳужжат, шунингдек шахснинг Конституциявий судда вакил сифатида иштирок этиш ҳуқуқини тасдиқловчи ҳужжатларнинг кўчирма нусхалари.

Мурожаатга суд мажлисига чақирилиши таклиф қилинаётган гувоҳлар, экспертлар ва мутахассисларнинг рўйхати, суд қарорларининг кўчирма нусхалари, шунингдек бошқа ҳужжатлар ҳамда материаллар илова қилиниши мумкин.



МУРОЖААТ БЕРИШ МУДДАТИ:

Конституциявий ҳуқуқ ва эркинликлари муайян ишда қўлланилган ва Ўзбекистон Республикасининг [Конституциясига](#) мувофиқ бўлмаган қонунда бузилган деб ҳисобловчи фуқаролар ҳамда юридик шахсларнинг шикоятлари, агар судда ҳимоя қилишнинг бошқа барча воситаларидан фойдаланиб бўлинган бўлса, судда ишни кўриб чиқиш тугаган кундан эътиборан **бир йилдан кечиктирмай** берилади.

!!! Конституциявий шикоят фақат қонун ёки унинг қисмини Конституцияга мувофиқлиги юзасидан берилади. Қонуности ҳужжатларнинг Конституцияга мувофиқлиги тўғрисидаги конституциявий шикоят кўриб чиқилмайди.

Фуқаролар ва юридик шахслар қонуности ҳужжатларининг Конституцияга мувофиқлиги тўғрисидаги ҳамда Конституция ва қонунларга шарҳ бериш масаласи юзасидан қонунда белгиланган ваколатли давлат органлари ва мансабдор шахслари орқали Конституциявий судга мурожаат қилиши мумкин.